

2. UKIUMUT MISSINGERSUUSIORFIUSUMUT 2007-IMUT KOMMUNINUT ATAATSIMOORTUMIK TAPIISSUTIT ILASSUTISSAATUT ISUMAQATIGIISSUT

1. Aallaqqaasiut

Ukiumut missingersuusiorfiusumut 2007-imut kommuninut ataatsimoortumik tapiissutit ilassutissaatut isumaqatigiissut manna ”Ukiumut missingersuusiorfiusumut 2007-imut kommuninut ataatsimoortumik tapiissutit pillugit Namminersornerullutik Oqartussat kommunillu akornanni isumaqatigiissummut” pingaarnermut ilassutitut isumaqatigiissutaavoq, taannalu illuatungeriit ulloq 25. september 2006-imi atsioqatigiissutigaa. Aammattaaq utoqqalinersiat tunngaviusumik annertussusiisa qaffanneqarnerisa Inatsisartunit akuersissutigineqarnerannut tunngatillugu isumaqatigiissummut pingaarnermut ilassummik isumaqatigiissuteqartoqarpoq. Ilassutitut isumaqatigiissut taanna illuatungeriit ataatsiorpaat ulloq 16. juni 2007-imi. Tassa 2007-imut kommuninut ataatsimoortumik tapiissutini tunngavigineqarput isumaqatigiissut pingaarneq 25. september 2006-imeersoq, ilassutitut isumaqatigiissut 16. juni 2007-imi atsiorneqartoq aammalu ilassutitut isumaqatigiissut manna.

2. Tamanut atuuttoq

Akilerartarnerup qitiusumit ingerlatsivineqalenera

Isumaqatigiissummi pingaarnermi ”Ukiumut missingersuusiorfiusumut 2007-imut kommuninut ataatsimoortumik tapiissutit pillugit Namminersornerullutik Oqartussat kommunillu akornanni isumaqatigiissut”-mi kommuninut ataatsimoortumik tapiissutit akilerartarnerup qitiusumit ingerlatsivigineqaleneratigut 8,4 mio. kr.-inik qaffanneqarput, tamannalu isumaqatigiissummi pingaarnermi immikkoortut pingajuannut aammalu tassunga ilaliussami 1-mi imm. 3b-mut naapertuuppoq.

Qulaani taaneqartoq isumaqatigiissummi pingaarnermi imm. 3-mut ilannguppoq. Akilerartarnerup qitiusumit ingerlatsivigineqalenera imatut oqaasertaqarpoq:

”

Illuatungeriillu tamatuma saniatigut isumaqatigiissutigaa kommuninut ataatsimoortumik tapiissutit 2007-imiit 8,4 mio. kr.-inik qaffanneqassasut, aningaasanik tigorianaannarnik ingerlatsinerup allanngortinneqarnerata, aammalu ingerlatseqatigiiffiit ilassusikkamik akiligassinneqarnerisa,

ilassutitut akileraartitsisarnerup akileraarpallaartoqarneranilu sullissinerup allannguutaasa kingunerisaannik. Aningaasat pineqartut tassaapput 0,6 mio. kr.-it matussutaasut sulisitsisut siunissami nalunaarusiorlutillu Akileraartarnermi Pisorta qarfimmuk akiligassanik isumaginnittarlernissaat, - 1,2 mio. kr. kommunit siunissami akileraarnerussutissanik landskarsimut akileereertannginnissaannut, 5,2 mio. kr.-it tunngaveqartut § 6-mi ingerlatseqatigiiffiit akileraarutaannut tapiliussat siunissami landskarsimut nakkartalissammata, 4,6 mio. kr.-it tunngaveqartut § 8-mi akileraarnerussutissanut ilassut siunissami landskarsimut nakkartassammat, aammalu – 0,8 mio. kr. tunngaveqartut § 63-imit ilassut akileraarpallaarutit siunissami Akileraartarnermi Pisorta qarfimmiit akilerneqartalissammata.

”

Isumaqatigiissummi pingaarnermi oqaasertat issuaavigineranni matumani oqaatigineqarpoq sulisitsisut 2007-imiit akileraarutitut akiliutit Namminersornerullutik Oqartussani Akileraartarnermut Pisorta qarfimmuk nassuiaateqarfigigaat aaqqeeqqatigiissuteqarfigalugillu, sulisitsisut siornatigut tamakku kommunit akileraartarnermut ingerlatsiviinut nassuiaateqarfigalugillu akilertarsimagaluaraat.

Tamanna kommuninut 2007-imiit ukiumut 0,6 mio. kr.-inik taartitut akilerneqarpoq tassaallutillu kommunini ernianit isertitassanit annaasanut taartitut akiliutit.

Tamanna aammattaaq kommunit ilaannut aningaasanik tigoraaannarnik uninngasuuteqartarnermut ajornartorsiutinik kinguneqarsimavoq. Aningaasaatit tigoraaannaat pillugit ajornartorsiut taanna illuatungeriit iluarsiniarsaraat ilassutitut isumaqatigiissutip matuma isumaqatigiissutigineratigut imaalillugu, Akileraartarnermut Pisorta qarfiup siunissami qaammatit naaneri tamaasa akileraarutitut akiliutitut kommunit peqataassutaat aningaasanngorlugit ataatsikkut akilertalissagai.

Ilassutitut isumaqatigiissutip matuma illuatungeriinniit atortuulersinneratigut erniatigut isertitassanit annaasat Namminersornerullutik Oqartussanut taarsiutitut akilerneqassapput. Tassa 2007-imi pineqassapput oktoberip, novemberip decemberillu qaammataanut akileraarutitut akiliutigineqartut. Qaammatinut pingaasanut ernianit isertitassanit annaasat 150.000 kr.-iupput.


Tamanna tunngavigalugu illuatungeriit isumaqatigiissutigaat ataatsimoortumik tapiissutit 2007-imi 150.000 kr.-inik ikilisinneqassasut.

3. Taasariaqartut allat

Isumaqatigiissuteqarnermi mianerisassat

Isumaqatigiissut manna Inatsisartut akuersinissaat apeqqutaatillugu isumaqatigiissutigineqarpoq.

Nuuk, ulloq 18. oktober 2007



Aleqa Hammond

Aningaasanut Naalakkersuisoq



Søren Alaufesen

Kalaallit Nunaanni Komuneqarfiit
Kattuffiani siullittaasoq